


www.BibleForChildren.org

यूहन्ना 14



येशू हुँकन कल, “आपन हृदयह दुःखीत हुइ जिन देओ। दुह परमेश्वरम विश्वास कर्ठो, म्वारम फे विश्वास करो। म्वार बाबक घरम रना ठाँ धेर बाटन, ओ मै दुन्हक लाग ठाँ तयार पार जाइदुँ। ओसिन नैरहट् कलसे मै दुँहन कने नैरनहुँ। मै दुन्हक लाग ठाँ तयार पार्क फेदोस्र आइकठुँ, ओ दुँहन लैजाइकठुँ, कि मै जहाँ रहम दुह फे उहँ रनेबाटो।”



मैं दुःखक दादु यूहन्ना हुइदुँ। येशूम विश्वास कर्लकओसें
दुःखकसँग मैं फे धीरजी होक दुःख सहरखनु, जौन
दुःख उहाँक राज्यम रहुइयन्हकम परिअइठा।


परमेश्वरक वचन ओ येशू ख्रीष्टक प्रकाश
पारल सत्य बात प्रचार




कर्लकओसें मैं कैदी
होक पत्मोस टापुम
रनहुँ।



तब मै आत्मले भरिपूर्ण हुइनु। स्वर्गम एकठो सिंहासन रह
ओ उहिँम एक जन विराजमान् रहह।




स्वर्ग, पृथ्वी, पाताल ओ समुद्रम रहल सब प्राणी यी गीत
गाइत् मै सुन्नु, “सिंहासनम विराजमान्
रहुइया ओ पठ्‌रूह सङ्‌डभर स्तुति,
सम्मान्, महिमा ओ अधिकार
हुइटीरहस!”




तबदोस्र मै पवित्र सहर, लौव यरूशलेम, स्वर्गसे या परमेश्वरक
लगघसे टर ओल्हाइट देख्नु। ऊ आपन दुल्हक लाग सिङ्गारल
दुल्हीअस रलही। सिंहासनमसे एकठो बरा सोर मै असिक
कहट सुन्नु, “हेर, परमेश्वरक बास मनैनसे होरहल। उहाँ
हुँकनसे बास कर्नेबाट, ओ हुँक उहाँक प्रजा हुइनेबाट। परमेश्वर


अपन्हे
हुँकन्हक
परमेश्वर होक
हुँकन्हकसँग
रनेबाट।”



तबदोस्र स्वर्गदूत महीह स्फटिकअस चहकार जीवनक पानीक
लद्या देखैल। उ लद्या परमेश्वर ओ पठ्रूक सिंहासनसे
निकर्क उ सहरक सरकक् बीचमसे बहटह।



उ सहर अजरार बनैना सूर्य ओ जोन्ह्यक आवश्यक नैहो,
काकरकि परमेश्वरक महिमा उहाँ चम्कठा ओ पठ्ठू जो वाकर
दिया हुइट।




तर कौनो अशुद्ध चिज, घिनलगिटिक
बात ओ झूट बोलुइयन कौनो
हालतम फे वाकर भित्तर पैठ
पठइया नैहुइट। पठ्रूक जीवनक
किताबम नाउँ लिखल केल
भित्तर पैठ पठइयाबाट।




“हँकन्हक आँखिक सब आँस उहाँ
पोछदेहुइयाबाट। आबठेसे कौनोजहन
मुव नैपरहीन। कौनोजहन शोक ओ
दुःख मान नैपरहीन। काकरकि
पैल्हक सब बात बितगैल्।”




आबठेसे उ सहरम कबु फे सराप नैपर्नेहो। परमेश्वरक ओ
पठ्रूक सिंहासन उहाँ रनेबा ओ उहाँक सेवकहुँक उहाँक
आराधना करहीं। हुँक परमेश्वरक अनुहार देखहीं ओ उहाँक
नाउँ हुँकन्हक लिन्हारिम रहिन।



मै छुटी ओ बरा सब मुवलहुँकन सिंहासनक सामनेम
ठह्याइल देख्नु। ओ धेर किताब बिठ्नाइल रह, और एकठो
किताब फे बिठ्नाइल मै देख्नु, जौन जीवनक किताब हो। उ
किताबम लिखल अनुसार, हुँकन्हक काम अनुसार
मुवलहुँकन्हक न्याय कैजाइटह। ज्याकर-ज्याकर
नाउँ जीवनक किताबम लिखगैल् नैभेटागैल् हुँक
अग्नि-कुण्डम फाँकगैल।



पवित्र आत्मा ओ दुल्ही कठ, “आई।” जे सुनी ऊ कही,
“आई।” जेहीह पियास लागी ऊ आए, जे इच्छा करी ऊ
जीवनक पानी निःशुल्क पिय।



काकरकि परमेश्वर संसारह अत्रा धेर प्रेम
कर्ल, उहाँ आपन एककठो छावह समेत
देल। परमेश्वरक छावकम विश्वास करुइया
कुई फे नाश नैहुई, तर ऊ
अनन्त जीवन पाई।



रोमी 3:23 काकरकि सबजन पाप कैरखल ओ परमेश्वरक
महिमासम पुग नैसेकलहुइट।

रोमी 6:23 पापक कमाही मृत्यु हो, तर सितैम देजैना परमेश्वरक
दान त हमार प्रभु येशू ख्रीष्टम अनन्त जीवन हो।

हिब्रू 9:27 जसहँक यी बात निश्चित बा, कि मनै एक फ्यारा मुठ
ओ वाकरपाछ न्याय हुइठा,

एफिसी 2:8,9 परमेश्वरक अनुग्रहले दुह विश्वासद्वारा मुक्ति पैलहो।
दुह आपन शक्तिले फे मुक्ति पैलक नैहुइटो, यी त परमेश्वरक
वरदान हो। यी दुन्हक कोसिसले हुइल् नैहो, उहओसे घमण्ड कर्ना
ठाउँ नैहो।

रोमी 10:9,10 दुह आपन मुहले येशू जो प्रभु हुइट कैक औरजहन
कठो कलसे ओ परमेश्वर उहाँह मुवलमसे जियैल कैक हृदयम
विश्वास कठो कलसे दुह मुक्ति पैनेबाटो। काकरकि हम हृदयले
विश्वास कैक परमेश्वरक सामुन्नेम धर्मी ठहठी ओ विश्वास करल
बात आपन मुहले स्वीकार कठी कलसे हम मुक्ति पैठी।



यूहन्ना 3:16,17 “काकरकि परमेश्वर संसारह अत्रा धेर प्रेम कर्ल,
उहाँ आपन एकठो छावह समेत देल। परमेश्वरक छावकम
विश्वास करुइया कुई फे नाश नैहुई, तर ऊ अनन्त जीवन पाई।
परमेश्वर संसारह दोषी ठहार्इक लाग आपन छावह संसारम
नैपठैल, तर संसार उहाँद्वारा बाँचऽ कैक पठैलह।”

1 यूहन्ना 5:11-13 हमन देगैल् साक्षी यह हो: परमेश्वर हमन
अनन्त जीवन देखल, ओ यी जीवनक स्रोत उहाँक छावा हुइट।
परमेश्वरक छावा रहइयकम जीवन बा, परमेश्वरक छावा
नैरहइयकम जीवन नैहो। दुह अनन्त जीवन पारख्लो कना बात
जान सेको कैक दुह परमेश्वरक छावकम विश्वास करुइयन मै
यी चिठी लिखटुँ।



यूहन्ना 14; 2 कोरिन्थी 5; प्रकाश 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tharu Northern NT (thl) © 2020, Wycliffe Bible Translators,
Inc. All rights reserved.

<https://live.bible.is/bible/THLWYI/MAT/1>

©2025 Bible for Children, Inc.

www.M1914.org

www.bibleforchildren.org

